

ÅRSMELDING 2018

RÅD FOR MENNESKE MED NEDSETT FUNKSJONSEVNE

RÅDET SINE OPPGÅVER / FØREMÅL

Rådet har FN-konvensjonen om rettar til menneske med nedsett funksjonsevne som fundament. Jamfør Lov om råd eller anna representasjon i kommunar og fylkeskommunar for menneske med nedsett funksjonsevne skal kommunar oppretta råd eller anna representasjonsordning for menneske med nedsett funksjonsevne. Det skal sikrast open, brei og tilgjengeleg medverknad i saker som tilkomst, arbeid mot diskriminering på grunnlag av nedsett funksjonsevne og tenester for menneske med nedsett funksjonsevne. Rådet skal ikkje handsama saker som gjeld enkeltpersonar.

SAMANSETNING

I følgje mandat vedteke av kommunestyret 08.10.2007 skal rådet ha 4 medlem. To representantar vert valde blant medlema i kommunestyret, ein representant vert vald etter framlegg frå Vaksdal lag for funksjonshemma, og ein skal representera menneske med nedsett fysisk/psykisk funksjonsevne.

Råd for menneske med nedsett funksjonsevne har i 2018 vore samansett slik:

Frode K. Dyvik, leiar

Anne Christine Eide, nestleiar

Ida Carlsen Eide, brukarrepresentant

Kristin Lyngmo, brukarrepresentant

SAKER I RÅD FOR MENNESKE MED NEDSETT FUNKSJONSEVNE

Rådet har hatt 4 møte og behandla 19 saker i 2018, m.a.: uttale til planar for ombygging av Heradshuset, planar for mellombels ungdomsskule på Dale og plan for pilotbustadar på Jamnetunet, Handlingsprogram/Økonomiplan for Vaksdal kommune 2019 – 2022, framlegg til budsjett for Vaksdal kommune 2019 og mogelegheitsstudie bygg for helse og omsorg.

Elles har Rådet fått orientering om og drøfta m.a. prosjektprogrammet «Lev Vel i Vaksdal» med underprosjekt, utviklingsarbeid innan helse og omsorg og ombygging av Stanghelle skule og Stamnes oppvekstun.

Rådet har også fulgt opp arbeid for bedre tilrettelegging og universell utforming, m.a. på parkeringsplassen framfor Heradshuset , ved bruk av heisen i Heradshuset og tilkomst til Dale kyrkje.

Eit medlem i Rådet deltok på SOR-konferansen 2018, og to medlem deltok på temadag om velferdsteknologi i regi av Råd for menneske med nedsett funksjonsevne i Hordaland.

Dale, 22.05.2018

Frode K. Dyvik / s /

Anne Christine Eide / s /

Ida Carlsen Eide / s /

Kristin Lyngmo / s /